

**Dissertatio medica inauguralis, de epilepsia. Quam, ... / ex auctoritate ...
Ewaldi Hollebeek, ... pro gradu doctoratus, ... eruditorum examini submittit
Joannes Retenbacher.**

Contributors

Retenbacher, Joannes.
Hollebeek, Ewald, 1719-1796.
Rijksuniversiteit te Leiden.

Publication/Creation

Lugduni Batavorum : Apud Gulielmum Boot, 1764.

Persistent URL

<https://wellcomecollection.org/works/nnja8rtu>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

DISSERTATIO MEDICA
INAUGURALIS

DE

EPILEPSIA.

JOANNES RETENBACHER,

MONASTHERSIENSIS.

AD HON. III. JOSEPHUM AUSTRIAE IMPERATOREM.

PRÆSENTAT JOHANNES RETENBACHER, MAGISTER
ARTIUM, ET PHARMACEUTICUS, MONASTHERSIENSIS.

LUODVIGI LITTAURUM,

APUD GUILIELMUM BOOT, 1764.

Digitized by the Internet Archive
in 2018 with funding from
Wellcome Library

<https://archive.org/details/b30418410>

DISSERTATIO MEDICA
INAUGURALIS,

DE

EPILEPSIA,

QUAM,

FAVENTE SUMMO NUMINE

Ex Auctoritate MAGNIFICI RECTORIS,

EWALDI HOLLEBEEK,

THEOLOGICÆ DOCTORIS ET PROFESSORIS IN
ACAD. LUGD. BAT. ORDINARII,

NEC NON

Amplissimi SENATUS ACADEMICI *Consensu,*

Et Nobilissimæ FACULTATIS MEDICÆ *Decreto,*

PROGRADU DOCTORATUS,

Summisque in MEDICINA Honoribus & Privilegiis,
ritè ac legitimè consequendis,

Eruditorum Examini submittit

JOANNES RETENBACHER,

MONASTERIENSIS.

Ad diem 18. Julii MDCCLXIV. H. L. Q. S.



LUGDUNI BATAVORUM,

Apud GULIELMUM BOOT, 1764.

DISSERTATIO MEDICA

IN AGRICULTURAM

DE

EPIDEMIOLOGIA.

QUAM

FAVENTE SUMMO NUMINE

Quomodo enim, quæ terra producuntur, eadem omnino ratione medicæ artis cognitio se habere videtur. Natura namque nostra, agri; Doctorum præcepta, feminum rationem habent; Institutio à puero tempestivæ sationi respondet. Locus vero disciplinæ accommodatus, aëri ambienti, ex quo iis quæ è terra nascuntur alimentum suppetit. Diligens studium agricultura est. Tempus autem omnia hæc ad plenam nutritionem confirmat.

PRÆCIPUA DOCTORUM HIPPOCR. Lex.

Summiusque in Medicina Honoribus & Privilegiis


titis ac legitimè consequenda

Fructuum Examinis submittit

JOHANNES RETEIBACH

MONASTERIENSIS

Ad ætatem 18. Julii MDCCXIV. A. L. Q. S.



LUGDUNI BATAVORUM

Apud GULIELMUM BOOT, 1764.

N O B I L I S S I M O

CONSULTISSIMO EXPERTISSIMO

V I R O

D. FERDINANDO SAALMAN,

FELICISSIMO MONASTERII MEDICINÆ PRACTICO.

SERENISSIMI PRINCIPIS

MAXIMILIANI FRIDERICI,

COMITIS DE KÖNIGSEGG,

ARCHIEPISCOPI ET ELECTORIS COLONIENSIS

EPISCOPI MONASTERIENSIS, ETC. ETC.

CONSILIARIO AULICO

E T

ARCHIATRO.

AMICO INTER PAUCOS DILECTISSIMO

HANC DISSERTATIONEM

I N

P U B L I C U M

REVERENTIÆ ET AMICITIÆ

T E S T I M O N I U M

DEDICAT

A U C T O R.

W O R L D

CONSULTISSIMO EXPERTISSIMO

V I R O

D. FERDINANDO SAALMAN,

FELICISSIMO MONASTERII MEDICINAE PRACTICAE

SEVERISSIMAE TRIVICIPAE

MAXIMILIANI TRIDERICI

COMITIS DE KÖNIGSECK,

ARCHIEPISCOPI ET ELECTORIS COLONIENSIS

EPISCOPI MONASTERIENSIS, ETC. ETC.

CONSILIARIO AULICO

E T

ARCHIATRO

AMICO INTER PAUCOS DILECTISSIMO

HANC DISSERTATIONEM

IN

PUBLICUM

REVERENTIAE ET AMICITIAE

TESTIMONIUM

DEDICAT


AUCTOR



DISSERTATIO MEDICA
INAUGURALIS

DE

EPILEPSIA.



§. 1.



ortento similis, & Commiseratione dignus est nervosi generis affectus, qui in homines sensibus interceptis, & violenta partium præter voluntatem concussione, ferocitate haud æquali furit, Epilepsiæ nomine salutatus: non enim solum atrox hoc malum Corpus miris iisque indignis plane modis deformat, sed & ipsam

ipsam mentem vivo licet in homine a Corpore separata quasi abscondit; terribilem intuentibus aspectum præbet, medicisque, omnem Artis opem haud raro eludens; tristissimam quandoque crucem figit, hujus ergo pro viribus nostris descriptionem & idæam suppeditaturi cum Clarissimo BOERHAAVIO definimus: quod Epilepsia sit subita hominis prosteratio, amissis sensibus externis, internisque, cum concussu violento, involuntario, muscutorum omnium, vel aliquorum, alterna cum requie, & novo paroxismo.

§. I I.

Quæ generaliter pro causarum morbum constituentium, varietate, dividitur, in *Hereditariam*. quippe si ex majoribus, vel parentibus, labe genitali in prolem devolvatur, in *Idiopathicam*. si causæ intra ipsum Cerebrum existentes, aliorum non proveniant, in *Sympathicam*, seu, *Deuteropathicam*. Cujus causæ, paroxysmum producturæ, ex vitio aliarum corporis partium initium capiunt.

§. I I I.

Omnium tamen (§. II.) enumeratarum specierum, *causa proxima*, est: nimia cerebri in nervos motores, nulla in nervos sensui destinatos actio.

§. I V.

§. I V.

Inter *causas* vero *remotas* ab auctoribus referuntur, labes Hæreditaria, imaginatio Matris gravidæ, per Conspectum epilepticum, puero congenita, mala Cranii configuratio, Caput à naturâ, vel errore in diætâ Commisso, à primis annis valde debile, cerebri integumenta, superficies, substantia, ventriculi, male affecti per vulnera, contusiones, abscessus, sanguinem, pus, faniem, ichorem, lympham âcrem, foetidam, excrementas osseas cranii interni, ejus intropressiones, Cartilagineam sinuum venosorum naturam, fragmenta spinas ossium, instrumenta meningas, cerebrumve lædencia, argentum vivum ad cerebrum quâcunque viâ delatum, cerebrum per inflammationem, corruptionem, erosionem, sphacelum, ossis cariem, bilem atram, gummatibus veneriis male affectum, obstructio venarum jugularium, vel, & sinuum duræ Matris, falciformis præsertim, à sanguine viscido, aut polyposis concrementis, enata; vitiosa intus acta materies scabiei, & tineæ capitis, quæ omnia, comprimendo, irritando, rodendo, cerebrum lædendo, morbi hujus causam gignunt, maxime vero, si his, ut quanto citius insultus recrudescat, accedant: plethora, motus, calor, ebrietas, epulæ, venus, ingenium perspicax, meditatio profunda,

funda, affectus animi ingentes, imaginatrix vis ingens, dolor magnus, periodicus, passio Hyſterica, lumbrici, dentitio, odontalgia, atrocior otalgia, humor acris, lac caseosum, acre, acidum, infantum, meconium, contagium variolarum, ulcerosa materies alicubi hospitans, inedia, crapula, vappidi, & præfertim noxissimo carbonum fumo repleti aëris usus, fomnus in declivioribus, humilioribus, minusque transpirabilibus locis, potulenta, esculenta, medicamenta, venena acria, fanies, pus, menstrua, lochia, urina, intercepta, immoderatio sanguinis effusio, per nares, uterum, vel sedem, materies podagrica, nondum ad inferiora depulsa, fumi ex fomite alicubi hærente, sensu auræ elevatae. ad cerebrum adscendentes.

§. V.

Verum, cum vix morbus detur, quem artificiosius simulare, nefarii, erudita vafritia sua, norint, quove melius, jactationes illas, & distorsiones membrorum, quibus, transeuntium animos in commiserationem commoveant, nutu voluntatis efficere possint, neve ullâ re turpius, quam epilepsia, aut convulsione fictis, decipiamur; inde de *signis diagnosticis*, ut, ut numerosis, pauca trademus: & quidem, licet ferocissima omnium epilepsia, absque ullo antegresso signo, præter

ter opinionem miseros invadat, frequentius tamen.

Instantem paroxysmum præcedunt, Capitis gravativus dolor, sensuum perturbatio, corporis totius lassitudo, somnus inquietus, insolitus pavor, cordis palpitatio, tensio præcordiorum, auræ quasi frigidæ, à parte quadam corporis, ad superiora versus cor, & cerebrum adscendentis sensus, miri in aure soni, tinnitus, molesti in naribus odores, sapores in ore ingrati, ante oculos scintillæ, colores multifarii, nebulæ densæ, caligines, vertigo.

Tuncque vigente malo valido cum clamore plerique corruunt, sensus tam in, quam externi abolentur, caput varie distorquetur, siquidem non nunquam pronum, ceu arcus inflectitur, quando pectori maxilla adhærescit: interdum vero in scapulas refringitur, quandoque modo in hanc modo in illam partem, ad humeros admovetur; frons agitatur, capilli eriguntur, supercilia nonnunquam in glabellam attrahuntur, non nunquam ad tempora vehementer admodum revelluntur, sub palpebris agitatis, tremulis, semiclausis, oculi tensi, fixi, contorti ut non, nisi album conspiciatur, apparent; muscoli faciei convelluntur, malæ rubentes palpitant, maxilla inferior ad superiorem summâ vi adducta, mox validissime ab ista abducitur, & ex ore hiantē lingua turgens prominet, convulsione dentes interdum colliduntur, artus omnimode torquentur, succutiuntur, pollices

intra manuum volas includuntur, pulsus adest vehemens, celer, parvus; respiratio cum valido nixu turbatur, impeditur, hacque impedita livet facies, hujus, & cervicis vasa distenduntur, spuma viscida, lenta, cum sibilo circum labia colligitur, adsunt ructus, vomitus, alvus inficiis excernitur, ejicitur semen, urina, ad magnam sæpius distantiam, prorumpit.

Tandem ubi ad mali remissionem perveniunt: adsunt, pulsus magnus, languidus, respiratio stertorosa liberior, symptomatum remissio, somnus profundus, à quo relevati pallent, capitis gravitate, dissolutione, languore, membrorum segnitie pusillanimitate, ob lassitudinem, morbive verecundiam contristatione premuntur. Idcirco adlegatis æumnosis his symptomatibus, quæ variæ, in variis epilepsia laborantibus conspiciuntur.

§. V I.

Ad tradendam *Prognosin* pervenimus: quam sane, si quis morbi hujus furorem intueatur, sensorium commune, à tetro hoc malo affectum, perpendat, ipsam quoque mentem, ac animum, è sede suâ quasi dimoveri, animo pervolvat, non mitem, at acerbam potius fore facillime agnoscit, inde quo ad epilepsiam hæreditate susceptam: hæc vel omnino nunquam, vel rarissimè curatur, vid. Hipp. *Predict. Lib.*

II. Sect. II. edit. Foës. pag. 89. De his vero, qui &c. morbo Sacro dicto correptis, hæc dicenda existimo: qui namque morbos istos connatos habet; eum ab his non facile vindicari posse, compertum est.

Neve auspicati magis eventus, & sanationis est, cujus causa intra cranium hæret, idiopathica dicta, ut scribit CELSUS Lib. II. Cap. VIII. in eodem morbo, si simul totum corpus afficitur, neque ante in partibus aliquis venientis mali sensus est, sed homo ex improvviso concidit, cujusque is ætatis est, vix sanescit.

Qui porro ætate parvulâ hoc morbo valide corripiuntur, plerumque intereunt. HIPPOCRATES de morb. Sacro. pag. 306.

Levius è contra correpti, superstites evadunt nota ex morbo relicta. idem. ibid.

illa demum, quæ circa pubertatis annos non solvitur, haud boni indolis est ut HIPPOCRATES Sect. III. Aph. 28. quæ vero pueris permanserint circa pubertatem, aut circa menstruorum eruptiones, perseverare solent.

Si verò post vigesimum ætatis annum accidat, mala isthæc sensetur. Idem de Morb. Sacro. pag. 307. Cum vero vigesimum annum præterierit non amplius prebendit hic morbus, aut certe paucos, aut nullum, nisi pueritiæ familiaris fuerit.

Pariter quæ per multos annos duravit, inveterata est, medelam vix suscipit. HIPPOCRATES loc. citat. Cum in-

veteravit morbus, amplius curari non potest.

At cujus accessiones magis pro solito frequentant
 pessimum id ipsum signum est.

Denique si mulierem utero gerentem fortis epilepsia
 invadat, magnum periculum minatur. vid. ETTMUL.
Tom. III. Artic. de Epileps. pag. 306.

Uterius autem si in stultitiam, memoriæ amissio-
 nem, ac cæcitatem terminetur, malum.

Malum quoque si paralisis epilepsiæ subsequatur.
 vid. L. B. VAN SWIETEN *Tom. III. pag. 353.*

Plane eam in apoplexiam transire mortiferum est.

§. V I I.

Non est autem, ut epilepsia quæcunque pari seve-
 ritate perpendatur, neve, ut omnibus tetro hoc
 morbo conflictatis duram adeo prognosin pronuncie-
 mus quin potius observatu dignissimum sit effatum
 HIPPOCR. *Aph. 7. Sect. v. & Sect. III. Aph. 28.* quod
 pueri morbo hoc liberentur, circa annum decimum
 quartum, aut septimum, annos nimirum pubertatis:
 quibus flebili antea puero, nova quædam, & vege-
 tior virtus inspiratur, leviterque distentæ mammæ, ac
 erumpentes menses, nubiles annos adesse testantur;
 quibusque ingens in œconomiâ tam corporis, quam
 animæ alteratio deprehenditur, sicque morbi comi-
 tialis aut alterius cujusvis non rara solutio contingit.

Nec

Nec minus quartana febris, sicut alios graves morbos, ita quoque morbum hunc penitus tollit: febris enim rite tractata adeo mirifice sæpe salutaris est, ut morborum etiam inveteratorum causas mutet, subigat, de corpore expellat, & tanquam naturæ instrumentum certius aliud, potentiusve cum ad sanandos, tum ad præcavendos morbos, ars vix agnoscat, vid. SALMUTH *Cent. II. Hist. 84.* & HIPPOCR. *Epid. Lib. VI. Sect. VI. pag. 1190. Quod si antea corripiantur, quartana succedente liberantur.*

Attendendum quoque illud est momentum, HIPPOCR. *Præd. Lib. II. Sect. II. pag. 93.* epilepsiam sympathicam, si rite Curationis rationem, quis tenuerit, haud ægre finiri, & sanationem admittere, magna enim vero hac in specie, à locis situ, ex quo mali fomes prius redundat, à facilitate applicationis remedium, malique eradicatione differentia observatur, etenim optime curatur illa, quæ à manibus, aut pedibus initium ducere videtur, minus, quæ à latere, quæ vero a capite originem trahit omnium hæc molestissima, & difficillime tollenda est.

Ulterius attenta docet experientia: prodeunte, in extimam cutim scabie, exulceratione, vel exanthematibus morbum hunc, non raro plane cessare, neque desperandum esse, quando malum non diu duravit, ejus insultus haud adeo longi, ætas potius puerilis, sique ex vitio primarum viarum, vel perperam

peram curato subcutaneo morbo provenerit.

Proximo nunc loco, cum vix alia corporis vivi affectio pernoscat, cujus major ad functiones omni modo turbandas sit potentia quave miseri mortales magis atteruntur.

§. VIII.

Generales qui ex hoc morbo oriuntur effectus animadvertendi erunt. Cerebrum enim tot violentis agitationibus adeo male afficitur, ut tota deinceps vita permaneat sæpe, memoriæ vacillatio, ingenii, & sensuum tarditas, ratiocinii perturbatio, stultitia, fatuitas, surditas, hemiplegia, corporis totius vasa violento musculorum spasmocomprimuntur, sanguine, vi cordis allato, obstruuntur, in minoribus vasis crassiores partes impelluntur, horum inde dilatatio ingens, inflammatio, hujusque sequelæ, extenuatio, ruptura, liquidorum ruptis vasis extravasatio, putredo, muscoli, partesve quibus affiguntur convulsione distrahuntur, contorquentur, lacerantur, luxantur, solvuntur, franguntur, ex quibus difformitates, nunquam emendandæ, consequi possunt, & cum nervi à tantis distensionibus tensi facillime lædantur, haud raro post paroxysmum paralyssis, atrophia, debilitas incurabilis subsequitur, ulteriora demum mala, ne dissertatio isthæc in longum nimis procurrens,
ob

ob id tœdiosa fiat, facillime quis eruere poterit, si irregulares illos motus, & convulsiones, ad varias corporis partes, membranas, viscera, glandulas, organa sensuum applicet, indeque multiplicia circulationis, secretionis, excretionis, aliarumque functionum impedimenta, profluere posse, perspicit.

. Quandoque tamen, ut ut ex naturâ suâ periculosus hicce morbus bonos adhuc effectus præstat, quum tempore paroxismi, per tot excitatos motus, per tanta vi dilatata vasa, factasque evacuationes, id, quod irritando morbum constituit, feliciter expellat; sæpe enim sæpius SYDENHAM *Cap. II. de Variol. Regul. ann. 1667. 8. 9.* læto omine observavit: in infantibus, cum variolæ in procinctu starent, paroxismo epileptico correptis, statim in conspectum illas prodire, mites, boni moris, lætumve morbi eventum esse, ulterius saburra ex primis viis sursum, deorsum insultu expulsa, aut miasmate noxio ex sanguine profligato hunc morbum abactum plane fore, experiendo notatur.

§. I V.

Ultimo, pro instituti nostri scopo, ad mali epileptici *curationem* diuisam à nobis in ea, quæ in paroxismo, post, & extra illum Medico peragenda incumbant, pervenimus.

C

Quod

Quod paroxismos attinet: rationalis medici est, probe cavere, ne æger nimis volatilibus, spirituosus, vel grave olentibus vexetur, neque consulta sunt ea, quæ irritando internam narium membranam, sternutationem, aut titilando, ac vellicando fauces, œsophagum, ventriculum, vomitum movent, quippe quæ in pessimo hoc statu, ubi tota facies oculis sanguine suffusis turgida livescit, humorum motus magis ad caput derivant, hujus vasa ad rupturam impetuosè implent, & haud raro sternutationis, vomitusve convulsivo motu ipsi exacerbantur, et resuscitantur paroxismi.

Præstat potius: ne caput, vel aliæ corporis partes, perhorrendis hisce convulsionibus, in dura quædam corpora impingant, pulvinaria aliave quæcunque mollia corpori supponere, lingua turgidissime prominens, ne collis dentibus faucia vulneretur, cochleari, subere, lignoque molli, dentibus interposito, filoque allegato, caveatur; neve membra insultu hoc convulsivo distorquantur, leviter continenda erunt, convulsa vero vi haud quaquam adhibita, blandissime extendi debent, illata enim vi distracta ligamenta, & muscoli, cruciatus intollerabiles relinquunt, hæcque primaria sunt, quæ potissimum in ipso paroxismo conferunt.

§. X.

Post paroxysmum, quiescente jam graviore convulsione à tanto labore, & cruciatibus fatigatis, debilibus, & stupidis epilepticis vires amissas restituere medentis officium est, qui ad hunc scopum perveniet, imperato animi, ac corporis quiete, victu bono, eupepto, propinatis, quæ torpentes spiritus excitant remediis, inter quæ celebrantur: meliss. rosmarin., lavendul., majoran., rut., puleg. succin., galban., ambr. gris. spirit. sal ammon. Spir. carminativ. falis vol. oleos., & enumeratarum herbarum aliarumve similis virtutis præparata olea aquæ syrupi, quibus selectis formulæ ægrorum gustui quam aptissimæ à medico præscribi poterunt.

§. X I.

Tum tandem, sicut ex antecedentibus (§. IV.) perspicere licet, causas dirum hunc morbum excitantes, mirum variare ita nunc identidem extra paroxysmum, tum ad avertendas præservative, tum ad tollendas in cura differentes has causas, & in propinandis convenientibus remediis, judicium paulo exactius adhibere, neque eundem in singulis curationis tenorem servare, prudentes esse medici colligi, potest,

quandocunque igitur morbus hicce labe hæreditaria, imaginatione matris vel mala cranii configuratione susceptus, congenitusque fuit, omnibus omnino vere medicis latentissimam hujus diathesin, causam nempe proëgumenam, pernoscere, & eradicare impossibile videtur, faciliior tamen, & expeditor, etsi & id non levibus prematur difficultatibus, est, morbum hunc præservandi, avertendi methodus, utpote quæ potissimum in causis hujus morbi remotioribus, dictis, declinandis, & avertendis consistit, omnes ergo potentia nocentes, in vita humana adeo multivariæ, in singulis quandoque epilepticis diversæ, quantum ægrotis possibile, vitentur, diæta in cibo & potu strictissime observetur, & ab animi affectibus ac ab usu veneris maxime immoderatæ, ægroto temperandum est, subito namque exhaurit subtiliores spiritus, caput debilitat, mentem ac sensus infirmit, atque corpus convellit, porro usus sex rerum non naturalium, quid boni, malive inde eveniat, e quonam loco paroxismus primo instet, quibusnam à principio, ad finem usque symptomatibus stipetur, multaque alia æque nocentia, ac juvantia à medico sedulo observari debent & teste Hipp. *Aph. 45. Sect. II.* tristissimo hoc in affectu regionis, aëris, victusque mutatio de qua *ARETÆUS. morb. diutur. Lib. I. Pag. 121*: quoniam si usitatus malo victus, in quo morbus alitur, defierit, non ulterius hominem infestat, ut etiam mutatio
magna

magna corpori, per fortiora medicamenta inducta, si non ad perfectam seminii deletionem plurimum tamen, ad impediendam hujus maturationem conducit.

§. X I I.

Quod si vero à capitis debilitate, à naturâ, vel errore in diæta commisso orta, originem traxerit, nihil in genere præter Corroborantia, cephalica, nervina, certius, & præstabilius est, quo nomine Angelic. Absynth, Aneth, Thym, Rut, Menth, cort. peruv. cinamom, Cariophyl aromat, mastich, styrax, castor, aliaque, sub forma præsertim externa capiti applicata plurimum commendantur, vitando in genere laxantia quæcunque, aërem præprimis nebulosum, humidum, frigidum, omnesve ejus inclementias, & insuetudines, neve ægro in tali loco dormiendum erit.

Ubi autem cerebri integumentorum, vel propriæ substantiæ læsio epilepsiæ fons existit, quicumque tum ex medicis hunc morbum, cujus causas permultas admodum esse, ex prioribus apparet, prudenter avertere vult, is ejusmodi remedia præscribere, & in usum ducere debet, quæ in genere morbis, qui ex læso encæphalo nascuntur, præcavendis dicata sunt, quamobrem digestivis, antisepticis, abstergentibus loca in cranio læsa depurentur, impetus humorum, à capite, ne liquidorum in cranium affluxus augeatur,

tur, venæ sectione purgantibus revellatur, discutiantur in cranio hærentia diluentibus, resolventibus, attenuantibus, ut: Chamomel., Samb., Melilot., fœnicul petrosel lign fantal similibusque, viæ, per quas natura noxios quandoque humores expellit, laxantibus, attrahentibus, aperiantur, aut fonticulo inuisione, fistula, epispastico, Cranii perterebratione, ut caput acribus quibuscunque liberetur, novæ quædam viæ parentur.

§. XII.

Quandocunque venarum jugularium, vel & sinuum duræ matris obstructione gignitur, hoc in casu, aperientibus, attenuantibus, resolventibus medicamentis, ut & alimentis fluxilitatem restituere, ac conservare curationis cardo est, omnium vero medicaminum virtutem aquæ minerales longissime superant, quippe quæ humores coagulatos, spissos, viscidosque optime resolvunt, impuros per excretiones proscribunt, venarumque infarctus feliciter referant, quin & interdum haud alienum est, venas jugulares externas aperire, & stagnanti in sinibus duræ matris sanguini liberiores exitum, ac motum, consiliare.

Quod si plethora, motus, omniaque circuitum sanguinis accelerando, vasa cerebri distendentia, in corpore orta fuerint, tunc sanguinis missione, præfer-

fertim circa talum instituta, revulsione a capite ad inferiores partes, venarum hæmorrhoidalium apertura, quiete, refrigerantibus, auctum sanguinis circuitum compeffere, vasisque debilitatis deinceps robur, atque tonum suum restituere studendum est.

§. XIV.

Quum denique dolores magni sensorium commune irritando, convulsiones, & epilepsiam excitent, Anodyna, quæ diluendo, humectando, acre emendando, doloris causas tollunt, quin & narcotica qualia: flor. femin. papav. alb. Rhæd. poëon. diacod. opiata quælibet, ut sensus acumen obtundatur, adhibere oportet.

Et cum sæpius à passione Hysterica ordiatur, hac antihysterics profligata, ut Myrrh. Galb. Ass. fætida. Castor. Succin., Rut. Cort. Peruv. Limat. Mart. quæ mirandas in Confortandis, & invigorandis nervis, vires nonnunquam habere videtur, morbus in totum deletur.

Si lumbrici, dentitio, lac caseosum; acre, primarum viarum tractum in infantibus infarciens, genuina hujus morbi causa fuerint, Anthelminticis: inter quæ tanacet, semina Santonic. Aloëtica, & mercurialia primas tenent, neque minus Valerian. Sylvest. magnam in hoc casu virtutem præstante, nidum ver-

mium

mium destruere, incisionem aptam gingivarum, emollientia, refrigerantia, ut inflammatio, dolorque à lenta per dentem dilaceratione orta, tollatur; dissolventia antiacida, lubricantia, similiterve leniter purgantia, quibus primæ viæ à saburra isthac liberentur, admoveere conducit.

Si porro suppressæ quædam fani, vel morborum humoris excretiones, causam epilepsiæ foveant, præstat, materiem excernendam é sedibus suis fixis evocare, vasa, per quæ prævia naturâ transmittitur, aperire, vimque moventem, ac expellentem incitare.

§. X V.

Tandem nec raro evenit sensu auræ ad Cerebrum tendentis, ex alia qualibet corporis parte ægrotis, interve eos; debilibus magis, quam robustis, instantem paroxysmum comminari, egregie tum, ne genus nervosum, a tali irritatione ulterius adeo turbetur, roborantia, interve ea motus, ac exercitium Corporis, viscus pariter quercinus aliave in libris de Materie medica facillime invenienda apprime conferunt, quæ vero si neque ad Curationem validi hujus morbi sufficiant ligatura, ne loci fomes cerebrum afficere possit, causticis, vesicatoriis, ulceribus diu manantibus, ut maligna hujus mali sabura e corpore edu-

ducatur , morbum debellare, vel apta incisione ad integram nervi destructionem in totum eradicare oportet.

Hæc num de vera, ac genuina feralis hujus morbi medendi methodo sufficiant, quum protrahere diutius sermonem, specialiter magis causas exponere, harum curationem ulterius describere, B. L. nausæ, atque tœdii ergo, supervacuum, & inutile duco à male itaque fundatorum hominum judicio inventa adversus hunc morbum specifica, cum multoties inutilia, sæpius & vix detestanda fatis sint, illis, qui ad hunc usque miseriæ terminum pervenere relinquo; veri enim medici est: medicamina, non vero piacula quærere.

Hiscæ ergo subsistens, si in magnis voluisse sat est, conatibus meis, & laboribus, qui faveant, non defuturos spero, quibus, quæ scripsi, qualiacunque fuerint, offero, &

VENIAM PRO LAUDE PETO.



... and ...

... and ...

... and ...

... and ...

... and ...

